

تاریخ عثمانی انجمنی

۱ کانون اول
۱۳۳۱

بشنجی سنه
نومرو ۳۵

مجموعہ سی

بروشقه

خارجیه نظارت جلیله‌سندن مقام جلیل صدارته کوندریلوب انجمنه تودیع و اراء اولنان ۲۳ مارت سنه ۳۳۲ تاریخی و $\frac{۲۰}{۸۰۲۷۵}$ نومرولی تذکرده: اوستریا بجارستان خارجیه نظارتی مأمورلرندن زوزف مالوته‌ام ذات طرفندن حضور شوکت‌موفور جناب تاجداریه‌یه قدیمی استرحامیله و یانه سفارت سنیه‌سنه تودیع اولنوب بابحریرات نظارته ارسال اولنان و ۹۰۶ سنه هجریه‌سنده وزیر اعظم احمد پاشا طرفندن راغوزه جمهوریتته کوندریلن نامه‌نک فطوغرافینسک‌عبه سنیه ملوکانه‌یه قدیمی و مندرجاتنک تاریخ عثمانی انجمنی مجموعه‌سنه درجی بیان اولنمشدر. مذکور فطوغراف صحیفه آتیه‌یه قولش در. بونامه مومی‌الیه موسیو زوزف مالوتا طرفندن اسلاوجه‌دن تورکجه‌یه ترجمه‌سی ایدیلهرک فطوغرافنک یانته یازمش وبالاسنده دخی بروجه آتی افادانده بولنمشدر:


۹۰۶ سنه هجریه‌سنه‌ماد بروشقه مدنیه‌درکه آینه‌روزده واقع کیلاندار وسنت پول مناسترلرینک باوصیت حق مشروعلری اولان عائدات سنویه‌لرینک راغوزه جمهوریتی طرفندن سه‌لرجه کتبی صورتیله واقع اولان غدر صریح اوزرینه سلطان بایزید ثابینک وزیر اعظمی احمدپاشا طرفندن ایشه نه‌صورتله مداخله وخرستیان مناسترلرینک حقوقنک نه‌قدر حازمانه مدافعه ایدلایکنی کوسترد و عثمانیلرک حس دقیق عدالت و مسامحه مذهبه‌لرینی بحق میدانه قویار.

اللہ عظیم الشانک عنایتی و خوزہ حکومتی بالجملہ سواحل ایلہ بلاد روم اہلی و قرمان و اطول و رومانیاہی و ممالک کثیرہ سائرہ فی شامل اولان پادشاہ جلیل۔ القدر عالی تبار اقدس مزک امر شریفیلہ حائز منصب وزارت عظمی و وکالت مطلقہ پادشاہی اولان احمد پاشا نخبہ الاعیان راغوزہ دوجی جناب لرینہ و سائر اعیان اصالتتوانہ عرض سلام و خاطر شریف لرینی استفسار ایدر۔ بز صحت و عافیتہ و جناب حقہ عبادتہ مشغولز اشبو شقہ مزک و بونک کبی ہر شقہ نک ید اسیلانہ لرینہ وصولندہ صحت و سلامتہ بولنکرزی الطاف سبحانیہ دن ہنی ایدر و ذات اسیلانہ لریلہ سائر اعیانہ انہا ایدرز کہ آینہ روز طاغندہ واقع کیلاندار و سنت پول صرب مناستر لرینک رهبانی باب ہاپون شوکت مقرونہ کلہرک نصل اولوبدہ امپراطور استغان طرفندن قدس شریفدہ واقع بر کلیسیاہ بر مقدار عواند وصیت ایدلش اولدینفی و مذکور کلیسانک خراب اولسی اوزرینہ عواند مذکورہ نک طرف اسیلانہ لرندن آنف الذکر ایکی مناسترہ کوندرلسی امپراطور بیچہ مارہ ایلہ بینکزدہ قرار کیر اولوب بر قاچ سنہ مدت کوندرلش اولدینفی و بر ساحرہ نک نتیجہ تسویلاتی اولہرق بر قاچ سنہ دن بری تعویق ایدلمکدہ بولندینفی علی التفصیل عرض و حکایہ ایتک املندہ بولندیلر بن محبکز صفتیلہ بو حالہ مطلع اولوب مراجعت ایتک ایستد کلری مقامی درپیش ایدنجہ پادشاہمز افسندمزہ سکورو شلرینہ رخصت و برمدم سز دخی بنی دوست طانیوب نصیحتی قبول ایدرہ کز موی الہیمک ذاتاً جزئی اولان عائداتی ضایع اولماقی ایچون شمدی با قدر ایشلمش اولان حفلرینک تسویہ سی و آتیا دخی تأمین تأدیہ سی صورتیلہ تطیب خاطر لرینہ ہمت بیورہ سکز و بیلش اولہ سکز کہ موی الہیم یکیدن کلوب پادشاہمز افسندمزہ عرض حال طلبندہ بولنورسہ لر آلیقونلما لری مقرر در ہر وجہلہ موجب اطمشان اولقی اوزرہ سز دوستلرہ بندہ صادق اولان (رادبج) ی اعزام ایلدم بو مادہ حقندہ ہرنہ سو بلرسہ اعتماد ایدہ سکز عینیلہ بزم سوزلر مزدرد جناب حق سز لری عز و سرور دہ بردوام بیورسون۔

اصل ویانہ دہ خارجیہ نظارتی سجلاتندہ محفوظدر۔ اسلا وجہ دن متر جدر

نامہ دہ « حائز منصب وزارت عظمی و وکالت مطلقہ پادشاہی، اولان احمد پاشا ہر سکللی احمد پاشا اولہ جقدر، مع ما فیہ آنک ۹۰۶ تاریخندہ صدراعظم بولندینغہ دائر عثمانلی تاریخلرندہ قید یوقدر۔ بونلر اوزمان مسیح

باشانك صدارتده اولديغنى يازيبورلر. نامه نك بر طرفه كشيده اولنوب سلطان بايزيدخان ثانی به عائد بولنان طفرانك فطوغرافيسى دخى آبريجه قولمشدر.



بوظفرا ايله سلطان مشاراليه عائد اولوب فطوغرافيسى موزه هايونلر مدير عمومى خليل بك افندى زدنده كوريلان منلا كوراني وقفيسى وسراى بوسنده طبع ونشر اولنان « Glasnik » نامنده كى رساله موقوتده مندرج اسلاوجه و تورجه فرمانلر بالارنده اولان طفرالر بررينك عى اوليوب يكديكرندن فرقليدرلر، آرالرنده آنجق بدرجه به قدر مشابته بولنه بيلير .

...